



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Crura illius, columnæ marmoreæ, quæ fundatæ sunt super bases aureas.

urn:nbn:de:hbz:466:1-34445

COMMENTARIO. LIB. V. Fo. 87
ter eius eburneus, id est, homo ipse est castissi-
mus, ab omni uitio frigidus, contra omnia quæ
sunt carnis & sanguinis ualde solidus, impassibi-
lis & mundus, sanctus, innocens & impollutus,
& omnino a peccatoribus segregatus.

Huiusmodi uenter, & si non aurum siue au-
reus, ut caput est aurum, & ut sunt aureæ manus:
attamen distinctus est saphyrus, id est, humani-
tas eius, & si nō est id ipsum quod diuinitas eius,
attamen splenduit rebus diuinis, glorificata est
omnimodis priuilegijs diuinitatis ab ipso initio,
quo cum uagiret in cunis, famulante cœlo, & in
dice stella, adoratus est a Magis, usq; ad consum-
mationem, id est, usq; ad mortem, mortem autē
crucis: ubi dum compungeretur hic uenter cla-
uis & lancea militis, cœlum obscuratum est, &
tenebrae factæ sunt, & uelum templi scissum est
& terra mota est, & petræ scissæ sunt, & monu-
menta aperta sunt, & cætera deinde facta sunt, q
tu considerās recte dicas, quia sub pedibus eius
quasi opus lapidis saphyri, & quasi cœlum cum
serenum est.

Crura illius, columnæ marmoreæ, quæ
fundatae sunt super bases aureas.

Crura illius uiæ sunt illius. s. misericordia, &
iudicium, siue misericordia & ueritas, Sicut ait
Psalmita: Vniuersæ uiæ domini misericordia
& ueritas. Nam ueritas ipsa est iudicium uerū.
Crura ista, uiæ istæ, columnæ marmoreæ, id est
rectissimæ sunt utiq; firmissimæ, nec est q possit
eas infirmare, aut iuste reprehendere. Nam iudi-
cia domini uera, iustificata in se meipsa, Exem-

Matth. 2,
Philip. 2
Ioan. 19
Matt. 27

Exod. 24

Psal. 14

Psal. 18

RUPER. IN CANT. CANT. CA.V.
pli gratia : Loco uel tempore supradicto, cum
penderet dilectus iste crucifixus, latronum duo
rum medium, alterum ex eis poenitentem miseri-
corditer suscepit, secumq; in paradysum assu-
psit : alterum blasphemantem iusto iudicio re-
probauit: Cum similiter populum quondam non
suum populum gentilem, credentem atq; con-
tentem assumit: & populum quodam suum, po-
pulum Iudaicum, non credentem, imo contradi-
centem atq; blasphemantem dereliquit, quis iu-
ste reprehendere, quis immutare possit? Nemo
utiq; quia rectæ sunt istæ uiae eius uniuersæ.
Ergo crura illius columnæ sunt marmoreæ.
Quid eo quoque uerius, q; ait, quæ fundatæ sunt
super bases aureas? Bases namq; aureæ Consilia
sunt sapientiæ diuinæ. Denique super huiusmo-
di bases ita fundatæ sunt illæ mirabiles colunæ,
ut in iudicando siue misericordiam faciendo di-
lectus iste nihil possit a semetipso facere. Flere
potuit super ciuitatem HIERVSALEM,
subuersionem & damnationem suæ gentis præ-
uidens, & tamen animum suum inducere nō po-
tuit, ut auerteret ab eis iram imminentem. Sta-
bant quippe inflexibilia crura eius tanquam co-
lumnæ mormoreæ super bases aureas, id est, nō
qualis esset humanitatis suæ uoluntas, sed diui-
næ iustitiæ rationes attendebat.

¶ Species eius ut libani , electus ut cedri.

¶ Species eius : pulchritudo eius talis est ut lib-
hani. Cuius libani? Illius nimirum, cui per Pro-
phetam ZACHARIAM spiritus sanctus:
spiritus propheticus dixit : Aperi libane por-

Luc. 23

Ioan. 5
Luc. 19

Zacha. II